



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

გვარჯალაძე ისიდორე სილოვანის ძე

გვარჯალაძე ისიდორე სილოვანის ძე (15. V. 1898, სოფ. გონებისკარი, ახლანდ. ოზურგეთის მუნიციპალიტეტი, - 12. I. 1983, თბილისი), ლექსიკოგრაფი. პროფესორი (1961), საქართვე. მეცნ. დამს. მოღვაწე (1964). დაამთავრა თბილ. უცხო ენათა უმაღლესი კურსების ფრანგ. (1927) და ინგლ. (1931) განყ-ბები. 1927-იდან მუშაობდა თბილ. უმაღლეს სასწავლებლებში: იყო თსუ-ის ინგლ. ენის კათედრის გამგე (1947-52), უცხო ენათა ინ-ტის პრორექტორი (1948-52; 1961-66), პროფესორ-კონსულტანტი (1966-83). პირველი ნაშრომი გამოაქვეყნა 1930, პირველი წიგნი - ინგლისური ენის სახელმძღვანელო უმაღლესი სკოლებისა და ტექნიკუმებისათვის - 1934. ეკუთვნის მრავალი ნაშრომი ლექსიკოლოგიისა და უცხოურ ენათა სწავლების მეთოდის სფეროში, რ-თაგან აღსანიშნავია ქართულ-ფრანგული (თანაავტორი ვ. ლებანიძე, 1946) და ფრანგულ-ქართული (ტ. 1-2, 1963-64), ინგლ.-ქართული (თანაავტორი თ. გვარჯალაძე, 1975) და ქართულ-ინგლისური (1979) ლექსიკონები, „ინგლისური და ქართული ანდაზები“ (თანაავტორი მ. ქარჩავა, 1951), „ინგლისური ანდაზები და ხატოვანი თქმანი ქართული თარგმანითა და შესატყვისებით“ (1981), „ფრანგული ანდაზები და ხატოვანი სიტყვა-თქმანი ქართული თარგმანითა და შესატყვისებით“ (თანაავტორი კ. მიქელაძე, 1979), ინგლისური და ფრანგული ენის სახელმძღვანელოები, „ინგლისური ენის სწავლების მეთოდის საფუძვლები“ (1957; ი. გოგებაშვილის სახ. პრემია, 1979) და სხვ. 1985-იდან ი. გოგებაშვილის სახ. პედ. მეცნ. ეროვნ. ინ-ტში დანესებულია გ-ის სახ. პრემია უცხო ენის სწავლების მეთოდულ საუკეთესო ნაშრომისათვის. მიღებული აქვს სახელმწ. ჯილდოები.
